

H/Hmetro

09/10/2009

# Rimas lambakan warga asing

**FAKTA**  
Penuhi hentian teksi, bas, rakyat tempatan tak selesa

>>Oleh Hidayatul Akmal Ahmad  
hidayatulakmal@hmetro.com.my

**K**UALA LUMPUR: Lambakan warga asing yang memenuhi segenap ruang di ibu kota menimbulkan pelbagai tanggapan negatif di kalangan penduduk tempatan, namun tidak kurang juga ada yang menganggap kehadiran warga asing sebagai 'rahmat' di negara ini.

Tinjauan Metroplus di KL Sentral, di sini, baru-baru ini, mendapati puluhan warga asing menjadi penumpang setia bas dan teksi di perhentian itu yang tidak diketahui sama ada datang sebagai pekerja ataupun pelancong.

Rata-rata rakyat tempatan yang turut menunggu ken-



**RAMAI...sebahagian warga asing menunggu kenderaan awam.**

deraan awam berasa tidak selesa dengan keadaan itu dan berasa seperti bukan berada di tanah air sendiri.

Mohd Jamil Muda, 42, berkata sikap terlalu memilih pekerjaan di kalangan warga

tempatan antara punca bertambahnya bilangan warga asing di negara ini walaupun pelbagai cara dilakukan bagi mengawal keadaan itu.

"Warga tempatan terlalu memilih pekerjaan setaraf dengan

kelulusan mereka dan hanya mahukan kerja bagus saja tanpa disedari ia membuka ruang kepada warga asing untuk mengambil alih tempat mereka.

"Pekerjaan seperti buruh, jurujual dan pelayan restoran dianggap memalukan dan alasan gaji rendah sering menjadi isu utama mereka.

Menurutnya, warga asing tidak boleh dipersalahkan sepenuhnya kerana jika penguatkuasaan undang-undang ketat, bagaimana mereka boleh memasuki negara ini.

"Pihak berkuasa perlu membuat pemantauan dan menguatkuasakan undang-undang untuk mengelakkan mereka terus memasuki negara ini secara haram," katanya.